

Rianxo - Ordenanza reguladora para a tenencia, defensa e protección dos animais de compañía

Publicación provisional : 06-04-1996 BOP Nº 00 -- Publicación definitiva : 18-06-1996 BOP Nº 139
Redacción Aplicable desde 13-08-2006

Artigo 1.º.

A tenencia de animais domésticos ou de compañía en vivendas urbanas e outros inmobles estará condicionada a que as circunstancias hixiénicas do seu aloxamento sexan axeitadas á súa especie e características, e non conleven riscos para a saúde das persoas nin causen molestias, que non sexan as derivadas da natureza mesma do animal.

Artigo 2.º.

O número de animais que poidan aloxarse en cada domicilio o inmovible poderá ser limitado pola autoridade municipal, en virtude de informes técnicos sanitarios que así o aconsellen, sempre de forma individualizada e suficientemente xustificada, e en orde de evita-los riscos e molestias referidos no artigo anterior, cumpríndose en todo momento a Orde Ministerial de data 16-12-1976, BOE data 3-2-1977, no que se refire expresamente ó contido do presente artigo.

Artigo 3º.-.

Os propietarios ou persoas que teñan baixo a súa garda e responsabilidade os animais, estarán obrigados a proporcionarlle-la alimentación suficiente e adecuada ás súas características e circunstancia, asistencia sanitaria, tanto preventiva como curativa, e un aloxamento apropiado ás súas necesidades, así como a asegurarlle o necesario descanso e o esparcexamento físico requirido pola súa especie e características individuais.

As persoas antes sinaladas están obrigadas a que os animais pasen as revisións e vacinacións, ordinarias ou extraordinarias, que legalmente se establezan e a súa verificación farase constar na cartilla sanitaria do animal.

Artigo 4º.-.

Queda prohibido e acceso ou permanencia de animais domésticos ou de compañía naqueles lugares de concurrencia pública en que a súa estancia resolte desaconsellable por razóns hixiénicas e sanitarias, ou por resulata-la súa natureza e comportamento inconciliables coa actividade que en tales lugares se desenvolva.

Nos parques, praias, piscinas e calquera outro lugar de concorrencia e titularidade pública, sempre que as circunstancias o permitan acotaranse zonas separadas debidamente sinalizadas para a estancia de animais domésticos, en condicións tales que non constitúan un perigo para os restantes usuarios.

Artigo 5º.-.

Sempre que non resulte prohibida ou especialmente limitada a súa estancia en lugares públicos, os responsables dos animais domésticos deberán exercer sobre aqueles un control suficiente e axeitado, en atención as súas específicas características para que constitúan un efectivo risco para os cidadáns e outros animais, utilizando cadea e boceira cando fose preciso.

As anteriores prevencións non serán de aplicación nos espazos e lugares expresamente acotados para deixar soltos ós animais, e nas horas a tal fin sinaladas, sen prexuízo da responsabilidade, civil ou penal, que por calquera dano a terceiro puidese recaer sobre o responsable do animal

Artigo 6º.-.

Cande, por circunstancias excepcionais, e singularmente no caso de cans gardiáns de propiedades, non se encontren baixo control directo e inmediato do seu dono, deberán de adoptarse as medidas precisas para evitar que poidan causar danos a terceiros e especialmente ós nenos, con advertencia clara e visible da súa presenza e perigosidade e mantendo ó animal en condicións axeitadas de salubridade, alimentación e protección.

Artigo 7º.-.

O transporte de animais nos transportes públicos quedará en todo momento regulado polo que cada empresa recolla no seu propio regulamento ou estatutos.

Artigo 8º.-.

O transporte de animais en vehículos particulares efectuarase de forma que non poida ser perturbada a acción do condutor nin se comprometa a seguridade do tráfico, con suxeición ás disposicións da Lei sobre Tráfico, Circulación e Seguridade Vial e normativa que a desenvolva.

Artigo 9º.-.

Prohíbese a venda de animais de compañía fóra dos establecementos autorizados ó efecto, ou por persoas que non posúan a correspondente licenzia municipal.

Artigo 9º.-.

Prohíbese a venda de animais de compañía fóra dos establecementos autorizados ó efecto, ou por persoas que non posúan a correspondente licenzia municipal.

Artigo 10º.-.

Prohíbese o obsequio ou distribución de animais con fins de propaganda ou distribución comercial, como premios de sorteo e, en xeral, calquer tráfico cos animais distinto á venda en establecementos autorizados ou do obsequio individual e gratuito entre persoas físicas

Artigo 11º.-.

Os establecementos legalmente autorizados para a cría ou venda de animais domesticos deberán de levar un ou varios libros de rexistro, nos que se farán, alomenos, as seguintes anotacións:

a) Animais que teñen entrada, con indicación de especie e número de animais adquiridos, ou, no sen caso, nados no propios, establecemento, indicación da data de nacemento e adquisición e procedencia dos animais.

h) Anímais que teñen saída, con indicación de especie e número de animais vendidos, data da venda, datos de identificación do adquirente ou destinatario, para o suposto de non ser idéntica persoa, e marca individualizada de identificación, nos termos que se refiren no artigo 13.º.

e) Animais mortos durante a súa estancia no establecemento, con indicación de especie. número, data e causa estimada da morte.

Os titulares dos establecementos deberán conservar eses libros durante un período mínimo de cinco anos, a partir da dilixencia de apertura, que se realizará nas dependencias municipais, e poñelos a disposición das autoridades competentes, cando foran requiridos para iso.

Igualmente, as persoas responsables dos establecementos deberán enviar ó Concello, dentro dos quince días seguintes final de cada trimestre natural, unha relación completa de todos os animais nados, adquiridos, vendidos ou doados e falecidos, mediante copia firmada de tódalas anotación correspondentes ó trimestre nos libros rexistro.

Artigo 12.º.

Os establecementos autorizados deberán entrega-los animais desparasitados, libres de toda enfermidade e en óptimas condicións hixienicas.

Artigo 13.º.

Os animais vendidos, antes de abandona-lo establecemento, se non se fixese con anterioridade ó seu destete, deberán ser dotados dunha marca de identificación individualizada indeleble e realizada co menor dano posible para o animal.

Artigo 14.º

O propietario do can, sexa o primitivo adquirente ou persoa distinta daquel, esta obrigado a censalo no Rexistro Municipal de Animais de Compañía, no prazo máximo de tres meses desde a data da súa adquisición, a fin de dotalo de cartilla sanitaria e placa de identidade, que será válida durante toda a súa vida, e na que figurará, necesariamente, a marca de identidade individualizada.

A fin de que o rexistro se corresponda en todo momento coa realidade, o propietario que faga doazón d seu animal a outra persoa estará obrigado a

comunicalo de forma inmediata ó Concello, e será considerado responsable legal, a tódolos efectos, en tanto non se producise a correspondente anotación de cambio de titularidade.

Artigo 15.º.

Para o suposto de que o establecemento vendedor non cumprise coa obrigaón imposto polo artigo 13.º, está obrigado a facelo o seu propietario, no prazo máis breve posible e a máis tardar, ó tempo do censar ó animal, con independencia da sanción que poida recaer sobre o obrigado principal e dos dereitos e accións que poidan asistir ó comprador fronte ó vendedor.

Artigo 16.º.

Caso de non existir ou encontrarse excesivamente alonxados os lugares aptos para as deposicións, ou de no poder controlar ó animal, a persoa responsable está obrigada a retirar os excrementos da vía pública. A tal efecto os propietarios dos animais irán provistos de bolsas.

Artigo 17.º.

O Concello de Rianxo, de acordo coas directrices marcadas pola Administración autonómica, planificará e executará os programas e campañas de vacinación e asistencia veterinaria procedentes en colaboración co Sercivio Veterinario Oficial.

Artigo 18.º.

Toda persoa responsable dun animal esta obrigada a cumprir coas medidas sanitarias e vacinacións precisas para a pervención de enfermidades, nos termos que en cada momento sexan ordenados polas autoridades competentes, aconselladas polos servicios veterinarios.

Artigo 19.º.

Toda persoa ou establecemento que teñan baixo a súa garda a un animal, esta obrigado, cando observe enfermidades presumiblemente infecto-contaxiosas ou parasitarias a sometelos a control veterinario para que perciban oportuno tratamento sen prexuízo de medidas excepcionais que poidan acordalas autoridades competentes en caso de pragas ou outras situacións extraordinarias.

Artigo 20.º.

A verificación das vacinacións e tratamentos veterinarios aplicados faranse contar na cartilla sanitaria correspondente ó animal.

Artigo 21.º.

os animais que non fosen sometidos ás campañas de vacinación, controles e tratamentos veterinarios previstos, así como aqueles que se encontren en estado de atención insuficiente, segundo os termos do artigo 3.º, poderán ser recollidos polos servicios municipais, a fin de proporcionarlles a costa do seu propietario, as atencións e cuidados necesarios, con independencia das sancións económicas que no seu caso procedan, e sen prexuízo da confiscación definitiva do animal, se a iso houbera lugar.

Artigo 22.º.

A morte ou desaparición dun animal deberá ser comunicada de forma inmediata ó Rexistro Municipal de Animais de Compañía por parte de quen o teña ó seu cargo

con independencia do especialmente disposto para os establecementos de cría e venda de animais.

Artigo 23.º.

Caso de non ser posible a inhumación do animal falecido por medios propios, a morte deberá ser inmediatamente comunicada ós servizos municipais correspondentes, para proceder a súa retirada.

Artigo 24.º.

Os propietarios de animais de compañía que non desexen continuar posuíndoos e non encontren un novo responsable, están obrigados a entregalos directamente ó servizo municipal correspondente ou ás sociedades legalmente constituídas e dedicadas á recollida e coidado dos animais, evitando en todo momento o abandono.

Artigo 25.º.

Sen prexuízo das normas propias do Dereito Civil, terán a consideración de animais abandonados aqueles que non teñan dono ou responsable conocido, non se encontren censados e circulen libremente, sen presenza do seu responsable nin sinais ou marcas que permitan a súa identificación.

Artigo 26.º.

Os animais domésticos ou de compañía que se encontren nas circunstancias referidas no artigo anterior, así como aqueles que os seus donos non desexen continuar posuíndoos, nos termos do artigo 24.º, serán aloxados nas dependencias adecuadas que ó efecto determine a autoridade municipal ou de sociedades protectoras legalmente constituídas, nos termos que se conveñan co Concello de Rianxo, e proporcionaráselles alimentación, atención e cuidados veterinarios adecuados mentres permanezcan nos albergues de acollida. No caso de non ser posible e seo aboxamento, procederase á eliminación do animal polos servizos veterinarios correspondentes, evitando sempre calquera forma de crueldade ou sufrimento.

Artigo 27.º.

Os responsables dos albergues en que se encontren acollidos animais municipais ou particulares, están obrigados a:

- a) Ter ós animais aloxados en condicións adecuadas, con observancia das normas hixiénico sanitarias, e coa separación ou aillamento necesario para evitar que se agredan entre si.
- b) Proporcionarlles alimentación regular e suficiente de conformidade coas esixencias de cada especie ou exemplar.
- c) Asegurarlles asistencia veterinaria, tanto de carácter preventivo como curativo.
- d) Proporcionarlles posibilidades de expansión física, dispoñendo o necesario para que permanezcan soltos dentro das dependencias acotadas, nas horas e do

modo mais conveniente e, no seu caso, establecendo quendas, segundo as condicións do albergue.

e) Evita-la reprodución incontrolada, procedendo á esterilización das femias que ingresen no albergue, salvo que fosen reintegradas ó seu propietario ou adxudicadas a un novo no prazo máximo de quince días.

f) Tratar de encontrar novos fogares de acollida para os animais sometidos a súa tutela. En todo caso os animais serán entregados ó seu novo responsable, condicionando a un novo no prazo de quince días.

g) Cumplir coas obrigacións relativas á identificación e incrición dos animais no censo se non o fixesen con anterioridade, e comunicar calquera modificación que se produza.

h) Asumir, respecto do animal e de terceiros, todas as obrigacións establecidas nesta ordenanza para os propietarios de animais ata o seu falecemento.

i) Facilitarlles, cando o seu estado de saúde o faga imprescindible ou o impongan circunstancias extraordinarias, unha morte incruenta, aplicando métodos rápidos e indoloros.

Artigo 28.º.

No suposto de que un animal doméstico ou de compañía ocasione danos persoais a terceiros, o seu propietario ou persoa responsable está obrigado a facilitar, a requerimento dos servizos municipais a identidade e cartilla sanitaria do animal, así como a presentalo no servizos veterinarios, a fin de proceder ó seu exame e sometelo a observación durante o tempo necesario.

Todo se con independencia, das responsabilidades penais ou civís en que o responsable puidera incurrir.

Artigo 29.º.

Na defensa e protección dos animais, e para o cumprimento dos fins previstos nesta ordenanza, singularmente no referente á recollida, cuidados e recolocación de animais abandonados, o Concello de Rianxo colaborará coas asociacións de defensa e protección dos animais legalmente constituídas, dentro do ámbito competencial de cada unha delas.

Artigo 30.º.

A colaboración coas sociedades protectoras queda condicionada a que as mesmas manteñan as súas instalacións en condicións hixiénicas axeitadas e cumpran cos fins que teñen encomendados estatutariamente.

Artigo 31.º.

Para o suposto de incumprimento, por parte do propietario ou responsable do animal, ou das asociacións referidas no artigo anterior, das obrigacións que lle imponen a presente ordenanza, os servizos municipais poderán proceder, de oficio ou previa denuncia de particulares ou das asociacións de defensa e

sociedades protectoras de animais legalmente recoñecidas, á retirada do animal e o seu traslado a un albergue de acollida.

Nestes casos, o Concello de Rianxo procederá á execución subsidiaria das obrigacións atinentes ós propietarios, a costa de daqueles. De quen se exisirá o reintegro dos gastos ocasionados pola vía de constrinximento, con independencia das sancións ou confiscación definitiva do animal, se procedese.

Artigo 32.º.

As condutas contrarias a esta ordenanza cualifícanse como faltas moi graves, graves e leves.

Artigo 33.º.

Consideraranse faltas moi graves, ademais de non cumprir coas obrigacións impostas nos artigos 18, 19, 25 e 30 desta ordenanza, as seguintes condutas:

a) Facer vítima a calquer animal de crueldades, ocasionarlles sufrimento, sometelo a malos tratos e causarlle-la morte, salvo no suposto da eutanasia recomendada e aplicada polo veterinario.

b) Desatender ós animais dos que se sexa responsable, non proporcionarlle-lo aloxamento e alimentación axeitadas, privarlles do descanso e esparcemento físico necesarios, descoida-los cuidados sanitarios e, en xeral, incumpri-las obrigacións de atención cara os animais que lles impon a presente ordenanza.

c) Organizar pelexas entre animais ou incitalos a elas.

d) Incitar ós animais a acometer ás persoas ou causar danos nas cousas

e) A reiteración dunha falta grave.

Artigo 34.º.

Son faltas graves o incumprimento do establecido nos artigos 4, 6, 9, 10, 11, 13, 14, 16, 21 e 31 desta ordenanza.

Artigo 35.º.

Son faltas leves todas aquelas infraccións a esta ordenanza que non estean tipificadas como graves ou moi graves.

Artigo 36.º.

Unha falta será tipificada coma grave inmediatamente superior cando o infractor desatendese o requerimento para emenda-la situación motivo de sanción.

Así mesmo, será causa do agravamento o incumprimento dos preceptos desta ordenanza en situacións epidemiolóxicas especiais

Artigo 37.º.

As infraccións serán sancionadas con:

A) Apercibimento ou multa dunha contía ata 750 euros, as leves. Multa de 751 ata 1.500 euros, as graves, e multa de 1.501 ata 3.000 euros, para as moi graves."

Artigo 38.º.

A graduación das multas dentro de cada grao, farase atendendo á entidade de feito, intencionalidade, xeralización da infracción, reincidencia, alarma cidadá, rexeitamento social e de desatención ás indicacións que para evitar poñan fin ó feito constitutivo da infracción fixeranlle os axentes da autoridade.

Artigo 39.º.

A comisión de calquera das infraccións reseñadas como faltas moi graves poderá levar aparellada a retirada do animal, e a súa confiscación definitiva, se a iso houber lugar, atendidas as circunstancias concorrentes.

Artigo 40.º.

Cantas persoas presenciaren ou teñan coñecemento da comisión de feitos contrarios a esta ordenanza, teñen o deber de denunciar ós infractores, podendo poñerlos feitos en coñecemento dos axentes municipais ou das sociedades colaboradoras.

O mesmo deber esténdese ós responsables das asociacións de defensa e sociedades de protección dos animais que coñezan de tales feitos, directamente ou por denuncia cursada por terceiros.

Artigo 41.º.

Para a imposición das sancións correspondentes ás infraccións previstas na presente ordenanza, seguirase o procedemento sancionador de acordo coa Lei de Procedemento Administrativo.

DISPOSICIONS

DISPOSICIONS FINAIS

Primeira.

A presente ordenanza entrará en vigor o día seguinte a da súa publicación no Boletín Oficial da Provincia.

Segunda.

A Alcaldía queda facultada para dictar cantas ordes ou instrucións resulten necesarias para a adecuada interpretación, desenvolvemento e aplicación desta ordenanza.

Terceira.

Os gastos de recollida, mantemento e vixilancia, serán os que se fixen en cada momento na ordenanza fiscal reguladora da taxa por prestación do servizo de recollida, mantemento e vixilancia de animais ee compañía.

Cuarta.

Co fin de confecciono-lo censo municipal canino, quedan obrigados os posuidores de cans a declara-la súa existencia, utilizando ó efecto o modelo que facilitará o Concelio e que figura como anexo á presente ordenanza.

DISPOSICION DERROGATORIA

Quedan derogadas todas cantas disposicións do mesmo e inferior rango, regulen materias contidas na presente ordenanza en canto se opoñan ou contradigan no contrario da mesma.